



**Claudii Fleurii Abbatis Historia Ecclesiastica**

Ab anno Christi 1551. usque ad annum 1553

**Fleury, Claude**

**August. Vind. [u.a.], 1771**

**VD18 90118561**

§. 51. Northumbriæ Dux unacum liberis suis, aliisque custodiæ datum.

---

[urn:nbn:de:hbz:466:1-66577](#)

Sæcul. XVI quisque ordine procedunt, ut Mariam  
A.C. 1553.

in præcipua Londinensi platea prope  
Urbis Prætorium Reginam proclama-  
rent: Inde ad Ecclesiam D. Pauli  
contendentes Hymnum *Te Deum* decan-  
tari jubent: mox vero templo egressi  
Suffolciæ Ducem, ut turrim eorum po-  
testati traderet, compellunt, Joannæ  
vero nuntiant, ut deposito Reginæ ti-  
tulo prætensis suis juribus cederet. Post  
ea auditio Mariæ nomine universa Lon-  
dinensis Urbs jubilantium clamoribus  
resonabat, & populus percepta illius  
promulgatione in tantos exultantium  
sonos, festivosque applausus erumpe-  
bat, ut Pembruchius Comes demanda-  
tum sibi manus ægre perficere posset:  
insuper continuo pulsatæ ubique cam-  
panæ, ignesque passim per urbem ac-  
censi. Joanna se e solio cum majori gau-  
dio dejectam cernebat, quam illud ascen-  
dendo conceperat.

§. LI.

*Northumbriæ Dux unacum liberis  
suis, aliisque custodice datus.*

*Burnet*  
p. 359.  
*Steidan.*  
p. 927.  
*Pallav. l. 13.*  
c. 6. n. 5.  
*Betcar. l. c.*

**A**ltera die Arondelius Comes, & No-  
bilis Pagetus ad Mariam Reginam,  
quæ adhucdum Framingæ morabatur,  
proficiscuntur, eique, quid actum esset,  
exponunt. Sub idem quoque tempus  
Senatores datis ad Northumbrium li-  
teris præcipiunt, ut decreto subscribat,  
atque

atque copias dimittat. Præsenserat rem <sup>Sæc. XVI.</sup> Northumbrius Dux, unde acceptis non-dum Senatus literis jamjam exercitum suum dissolverat, ipsusque statim ad amplum urbis Cantabrigiensis forum procedens Mariam Reginam salutari jussit, ac cum ceteris exclamavit: *Vivat Maria Reginæ*: Ubi vero fœse ab omnibus desertum cernebat, paululum animo turbatus videbatur, ac de fuga extra Regnum meditari cœperat: verum milites Prætoriani, qui eum ductore Joanne Gatto sequebantur, ipsum adeunt, ocreasque induentem comprehendunt, id se ea ex cauffa facere obtendentes, ut se illius testimonio a perduellionis criminе tuerentur. Evidem Dux cœpit illis resistere, ac cauffari, quod supremus Anglici Equitatus Dux esset, ac proin ob hanc dignitatem manus ei injiciendi nullum ipsis jus foret: nihilominus satellites ipsum etiam reluctantem sequi cogunt: mox vero Arondelius Mariæ jussu illum unacum ejus Filio Huntingtoniæ Comite, necnon Joanne Gatto, & Henrico ejus fratre, Thoma Palmerio, aliisque duobus Ducis Filiis custodiæ dabat.

Cum ergo Northumbrius se Comitis Arondelii potestati traditum cerneret, mox ad illius pedes provolutus ipsius patrocinium implorabat: ast unacum

Q q 3 tribus

**Sæcul. XVI.** tribus filiis suis ad Turrim abducitur,  
**A.C. 1553.** ubi per plateas transeuntem populus  
 probris, & convitiis insectatur, eumque paricidam, & innocentissimi Regis carnificem appellitat. Referunt nonnulli, quod quædam mulier Northumbrio, cum per urbem ad carcerem deducendus transiret, sudarium Sommersetii Ducis sanguine tinctum exhibuerit, eique exprobraverit, quod ipse hujus cruxi injuste effusi Auctor existiterit. Postera die Suffolciæ Dux, Joanna Grae eius Filia, Ridlaeus Londinensis Episcopus, & Joannes Checus, qui defunctum Regem literis imbuebat, capiuntur, præter ceteros omnes, qui Northumbriæ Duci arctiori amicitiae vinculo obstricti erant. Hi una omnes die vigesima septima, & octava Julii carceri mancipantur, tertio autem post die Suffolciæ Dux libertati reddebat, præstata tamen cautione, quod ad primum Mariæ Reginæ mandatum carcerem repetere velit.

§. LII.

*Maria Reginæ Londinum solemni pompa ingressa.*

*Thudn. t. e.*

*Burnet*

*p. 360.*

*Sleid. p. 928.*

Cum Elisabetha, quæ extra urbem diversabatur, Mariam sororem suam in Reginam fuisse salutatam intelligeret, remque suam agi cerneret, die vigesima nona